


Mot Khawa (Thaski 23:31-35; Luk 15:11-32)

Toy ki mot khawani phasise aro udâ saribâ cay?



Mot jinisjâ amage ki kore, udâ Baybelni janase.

Motda ranga toktoktokake kapni âwâl lagilew aro khawa bhola galani limlimâ lagilew, udâ khangkhangke lup nakurik. Khalekon, pase dinâ bhiyânni ghum thiki uthile, togon bis thaka hapra thokraba hena lagibo.



Togon mononi ulangpalang lagibo aro jinisglâw ulangpalang lagibo/ Toy kunudinâw nahowa jinis, jiglâ hâcâykene nây, udâ dikhibo aro toy howa nahowa kothaglâ kubo. Toy ghumâbâ calew, togon tongra gurgutibâ hena lagibo aro tongra ek digi thiki arek digike nuribâ henaw lagiyâ okolbokol lagibo. Tane toy kubo, "Mola sal jasete. Moge dangase hum, kintu mola kunui monot nây. Kunbâ bholaba moy uthibâ pabo? Uthile, arek hara khaba lagibo!"

Tola jibonni motda bis thaka hapla hena huse hule aro daras hap thokraba hena huse hule, toy puriyây ja. (Thaski 23:31-35)

Jisu-oy ek bhola ek jhon mânlâ beden kirsâ kuse, jala jiboniu kawlsi thakibân.

Luk 15:11-32 “Ek jhon mânlâ dui jhon pola thakibân. Hutu polara baprage koy, ‘Baba, tola jomapotroglâ moge bokrake di.’ Te oy ola jomapotroglâ dui jhonge bokrake dile.




Koy dinâlâ paseke hutu polara nijâlâ bokrara topla-tupli baniyâ mujun alga des bhay jasegâ. Aro jâyâ mujun udâni oy nijâlâ puisâglâ bekun phung-phangke netha kamni khoros kurise.






Oy ola baki puisârâw khoros kurise. Tane ôy bhola ôy desni hogol bhay akal huse. Te oy ôy jagala ek jhon mândâge ogon kam deba koy. Tane ôy mândâ oge ola kurâ-bari\* bhay huwârglâge khawa debage pathay. Kintu Jihudiglâ huwârglâge suwâ dhore. Aro huwârglâge khaba dewa suwâ bhatglâ oge khang-khang kule. Aro oge kâyu kunui nade.



Tane je bhola oy ter pay, oy bhabe, ‘Ghornito cakorglâ khâyây bol napay aro idâni moy bhokote more! Moy babala bhay jâyâ mujun kubo, “Baba, moy bhul kurise aro Bhogobanla uphurni pap kurise. Moge tola pola kobage nasaje. Kintu tola cakor nekhan moge rakhik.”’



Te oy b r le aro bapra bhay jaba dhurile. Aro ola j y  thakate, bapra aduparan thiki oge dikhiy  mujun maya lagile. Te oy d wriy  j y  mujun oge akleya ador kurile.




Tane polara baprage koy, 'Baba, moy Bhogobanla uphurni aro tola agni pap kurise. Tola pola ke kobage moy nasaje.'






Kintu bapra cakorglâge hukum dey, 'Bek câyâ bhala diglâ kapurrâ an aro elay oge piniyâ di. Ola angulni angthi piniyâ di aro thengniu sendel piniyâ di. Mola polara muriwâ nekhan hubân, kintu abar jingise. Oy andaban kintu abar ahibâ pase. Udâ beden bek câyâ cadra damrara an aro marik. Co âmâglâ khang aro rong-phurti hong.' Tane khawan debage arambo hule.




“Ôy bhola ola dango polara kurâ-barini\* thakibân. Te je bhola oy ghor pang-pang huse, oy gan-bajna aro nasa-nasi koraglâ hunile. Te ek jhon cakorrage dakeya mujun ki hoba lagise ke oy pusi. Cakorra koy, 'Tola bhâyâ ahise aro oy bhala ase. Te tola babara bek câyâ cadra damrara marise.'”

“Tane oy rag bârâle aro ghor bhay hamabage nacay.



Te bapra bâr hoyâ ahile aro oge hamabage bare-bare magiyây ase. Kintu oy baprage koy, ‘Ca! Sara bosor moy cakorla nekhan tola bokra kam kurise. Moy kunudinâw tola hukumrâ na nâykoy. Kintu mola homasglâ loge nasa-nasi gowa-guwi kuribâge toy moge hutusâ hagol pojonto nâydey! Kintu je tola polara tola jomapotroglâ lang kora timâtglâ loge khoros kuriyâ pheleya mujun je bhola ela phiriyâ ahise, toy bek câyâ cadra damrarage ola bokra marise!’



Tane bapra oge koy, ‘Genda, toy mola loge hogol bhoday ase aro jidâ mola, udâ bekun tolake. Kintu ey tola bhâyra muriwâ nekhan hubân, kintu abar jingise. Oy andaban, kintu abar ahibâ pase. Udâ beden âmâglâ nasa-nasi gowa-guwi kuribâ lage aro rong-phurti hoba lage.’”

Ey kirsâni hutu polara kawsli pâyâ ase ke sikâr kurise. Oy jingkâke basiyâ thakiyâ ase, udâ câyâ ola bokra kibâ bakhar bhala jinis ase ke oy kengkanake ter pase. Bhogoban-oy âmâglâlâ bokra bapla nekhan aro âmâglâ kawsli pâyâ thakaglâ hutu polarala nekhan ke Jisu-oy idâ bujiyâ dey. Toy mot saribâ napale, tale ey kirsârâ tola bokra bhala khobor. Toy ki sorgo Babala bhay ahibâ tuyâr, jây toge map kuribâ cay aro toge bhala jibonni basiyâ thakibâge deba cay?